



**KEMENTERIAN PEMBANGUNAN
USAHAWAN DAN KOPERASI**
Ministry of Entrepreneur Development and Cooperatives

KENYATAAN MEDIA

KEBENARAN MERENTAS NEGERI BAKAL BERI IMPAK POSITIF KEPADA PERUSAHAAN MIKRO, KECIL DAN SEDERHANA

Putrajaya, 12 Oktober 2021 – Kementerian Pembangunan Usahawan dan Koperasi (MEDAC) menyambut baik pengumuman oleh YAB Perdana Menteri, berhubung Kebenaran Untuk Merentas Negeri kepada Keluarga Malaysia yang telah menerima vaksinasi lengkap tanpa perlu memohon kebenaran daripada PDRM.

Pengumuman ini merupakan langkah yang terbaik dan peluang kepada rakyat terutamanya usahawan Perusahaan Mikro Kecil dan Sederhana bagi memulihkan perniagaan mereka dan yang penting meneruskan kelangsungan hidup mereka. Ini kerana, terdapat sebanyak 37, 415 usahawan yang telah gulung tikar sepanjang tempoh pandemik ini. Daripada jumlah tersebut 26,007 adalah mikro dan bakinya 2,738 adalah PKS.

Semua sektor perniagaan terutama sektor informal akan menerima ganjaran pendapatan setelah melalui fasa *First Close, Last to Open* (FCLO).

Sehubungan itu, YB Tan Sri Noh Omar, Menteri Pembangunan Usahawan dan Koperasi berkata “Saya telah menggariskan dasar dengan menumpukan kepada penyelarasan dan penjajaran pelaksanaan program-program di MEDAC serta 11 agensi di bawahnya bagi memastikan segala inisiatif dan pakej-pakej yang diperkenalkan oleh Kerajaan sampai kepada golongan usahawan PMKS yang terkesan.

“Penyelarasan ini meliputi kumpulan sasaran, nilai pembiayaan/kadar bantuan/geran, skop program dan mekanisme pelaksanaan. Kumpulan fokus tersebut adalah golongan usahawan dan koperasi yang terkesan akibat COVID 19; golongan yang diberhentikan kerja dan berminat untuk menjadi usahawan dan Graduan yang tiada pekerjaan dan ingin menjadi usahawan; golongan Asnaf; serta usahawan yang menggunakan modal sendiri”, tambah beliau.

Selain itu, MEDAC optimis pengumuman ini mampu memberi keseimbangan dalam membantu mempergiatkan kembali aktiviti ekonomi secara fiskal di mana dalam masa yang sama dapat melandaikan lengkung jangkitan COVID-19. Diharapkan agar usahawan dapat meneruskan kelangsungan operasi perniagaan mereka dalam tempoh ini.

MEDAC terus komited dalam agenda melahirkan Bangsa Usahawan, selaras dengan aspirasi Keluarga Malaysia selari, dengan usaha mempertingkatkan keseimbangan ekonomi di wilayah kurang membangun, penekanan kepada aspek keusahawanan akan dipertingkatkan sebagai antara potensi peluang penjana pendapatan yang lebih menyeluruh.

TAN SRI NOH HAJI OMAR